

東華續錄

乾隆七十六

臣王先謙敬編

臣周潤蕃恭校

秋七月甲午朔諭軍機大臣等前據彰寶奏緝匪頭目得魯蘊自
老官屯逃孟矣等四人至長青等軍營和得魯蘊因辦送貢禮還
人前來之事差伊等送信請將原差之罷夷弁線等二人換回自
行定限於六月初十日得魯蘊親自到關納京還人一摺曾諭以
如果緬匪心出於誠將所留內地官員盡行送回原不妨允其所
請今據彰寶奏到初十日僅有紅氍等物差罷夷弁撤等二人到
關云與大人們送禮請以納貢還人之語據供奔緝回時也曾聽
得後即不見說起等語其事殊不可解得魯蘊以緬子四人換回
兩罷夷其多寡輕重已覺不值即以爲後來四人非真緬子而原

差之罷夷二名係彼要人來此探聽信息亦不以知但奔線等不
過至張鳳街所見亦止長吉哈國興無已得知內地消息何以甫
經放回復改前說緬匪果屬詭詐難信亦不應變幼出於請理之
外至所稱哈國興是否任營甘說尤屬難曉哈國興雖在滇稍久
緬匪略知其名然前未曾帶兵多殲賊衆何至獨爲其所畏且非
哈國興在彼內地豈別無將領鎮守而沾沾以此爲問豈邊備之
有無轉恃一哈國興乎彰實將拉撒等拘留阿孟矣等一併嚴審
解京所辦甚是此後或果得習縕紗日欲開將所留內地官員盡
行送回悔罪納貢體察屬實原不妨仍遵前旨酌辦若似此虛誑
難據無論幾人幾人槩行羈留不放見任籌辦亦止可如此或賊
匪思乘使侵擾近邊則沿邊關隘見俱有兵駐守正可趁此截
勦使之畏懼詭詐寶亦斷不致疏懈弛防也至所稱俟冬初機有

可乘卽奏明襲擊之語則其言非本誠心且襲擊雖與進剿不同然亦必有堪勝統兵之將及嫺習領隊之員方於事有濟今溫福及侍衛等俱調赴四川辦理攻勦金川之事滇省見更無人豈彰寶長青卽能勝襲擊之任乎設所辦不得要領非惟於事無益轉恐爲賊所藐視斷不宜輕舉妄動卽孫曰目前欲襲孟良之說亦不可行總宜靜以俟之使賊人見內地數年竟不出兵無從窺見端倪難以揣測將來乘其無備一爲襲擊自可得力而破賊人之魄方爲妥善將此由六百里傳諭彰寶知之○乙未諭川省辦理軍營糧務甚屬緊要西路已派侍郎劉秉恬專辦其南路運糧事宜原係阿爾泰專辦但伊年已衰老辦運恐未能妥速著派侍郎鄂寶卽行馳驛前赴南路會同阿爾泰督辦並給與欵差大臣關防○丁酉寶授勒爾謹陝甘總督○戊戌諭軍機大臣等軍行

糧餉不繼所關甚重朕因此益增繫念阿桂向來遇事持重此次進攻必實有可進之機斷不致冒險輕進見嚴飭阿爾泰上緊趲運軍糧以資接濟朕惟盼捷音速至耳又諭阿爾泰自上午賞給散秩大臣令其專辦糧務伊久任川省總督文武皆其舊屬不得諉爲呼應不靈何辦理半年餘尙貽誤若此阿爾泰著嚴行申飭今阿桂見由東山覓閒進兵糧食所關尤爲緊要阿爾泰務卽上緊辦運以資接濟若有遲誤惟阿爾泰是問見派鄂寶往南路同辦糧運阿爾泰儻稍存倚仗推諉之心則日取非戾矣○辛丑諭軍機大臣等前此薛琮由墨壠溝進攻告急時桂林曾令宋元俊帶兵赴援渠以不得進路爲詞去而復返又欲改由革布什咱取道亦未成行已有遲誤之咎其於桂林用銀贖人一款種種情節俱不能無罪因念其於番地情形尙所熟悉特從寬宥仍令帶兵

律綽斯甲布督率土司兵練進攻宋元俊如知感恩奮勉實心籌辦將來功罪原可相抵若竟能得開采入擣穴擒渠必更膺酬勳渥典或竟意存觀望惟蹈綠營虛誇積習則其取戾更大宋元俊自遊擊不數月擢至總兵受恩較常人尤重益當力圖自勉朕辦事一秉大公禍福惟其自取將此嚴切飭諭宋元俊知之○癸卯諭軍機大臣等阿桂從東山梁進攻雖得有數卡殲戮賊番及其頭目兵氣稍奮奮揚但以路險山高不敢深入旋即撤回仍屬有名無實是該處形勢進取頗難據阿桂另摺奏稱昭通湖廣兵各三千名到日可期得力如果阿桂訪有僻路可繞過僧格宗前後夾攻添此新到之兵自屬甚善若不過漫爲籌畫何如仍遵前旨將續調及見有餘兵槩行調往西路併勢進攻阿桂仍駐紮南路以綴賊勢遇有罅隙仍可相機進剿是南路坐收牽掣之功西路

實資多兵之助著傳諭阿桂速行妥議具奏○乙巳諭八旗補放步軍校無庸帶赴避暑山莊引見著爲例○丁未定道府以上等官如有同胞及同祖兄弟叔姪同在一省俱令官小者迴避○戊申諭阿桂此次辦理甚屬用心奮勉著加恩官戴花翎至綽斯甲布等差人投梁尤爲極好機會自當速籌進取所有該處軍糧飭令阿爾泰卽行趲運並著文綬加緊督催毋稍遲緩○己酉諭前派色布騰巴勒珠爾審訊伍岱捏參溫福一案色布騰巴勒珠爾護庇伍岱並未將伊詳審轉將溫福無關緊要事件反復慘尋治罪亦所自取但其人本糊塗尙非有心壞事者可比至伍岱意欲參奏溫福自占地步亦屬小人常態但無顯然實證朕亦豈肯以未行之事苛求治罪著施恩將色布騰巴勒珠爾撤去黃帶在家圈禁伍岱著發往伊犁自備資斧效力贖罪並諭中外知之○丁

已諫阿爾泰前在山東巡撫任內實心察吏安民克副任使因擢授四川總督其於地方一切政務仍復認真且聞其偶爾臥疾即於枕上辦公益憐而嘉許之是以特加恩簡任綸扉仍膺封疆重寄前此因修建天壇鐙竿需用枅木材料尺寸較長而大行令川省採運前任督臣未經辦及阿爾泰到任後即購得委員解京曾將伊及辦解之員議敘並加賞賚仍令其將採辦工價報部開鎖伊因解送鐙竿之便曾順帶木植料件據稱伊將養廉銀三千兩捐辦初以其出自愀沈留於工程備用旋即降旨以後停其購解見有軍機處檔案可查乃近日聞其曾向人言有將來必因此累及之語卽此已見其昧良節詐豈受恩任事之大臣所宜出此至小金川一事固由阿爾泰經理不善然其初以小金川與沃克件十司變觸相爭原不值輕議加兵且因其時証勦緬匪之事未

章豈宜復興軍旅因諭令妥協撫馭以靜邊隅及阿爾泰等親至
土境面諭僧格桑悔罪受約退地歸巢遂亦宥其既往此實朕不
欲勞師動衆之本懷若當時出自阿爾泰之意希圖將就了事以
致逆酋無所顧忌養癰貽患必早將伊明正典刑矣此實番夷重
務朕未能先幾果斷惟自悔前此之姑息必不肯諉過臣下是以
於阿爾泰格外原宥卽伊獲罪罷斥之後旋即賞銜任用如昔年
皇祖時有欲撤三藩之意下大臣等集議爲米思翰明珠以爲
應撤遂卽允行及吳三桂叛逆廷臣中因有請誅建議撤藩之人
者皇祖以其事斷自宸衷不肯歸罪臣下曾頒明旨宣示
朕之不加罪阿爾泰亦惟守祖訓爲權衡耳至兩金川均係內
地土司乃僧格桑與索諾木狼狽爲奸敢於自作不靖抗拒王師
而索諾木竟敢幫兵助逆其情罪深爲可惡若不併爲勦滅兩酋

必更逞其兇逆恣肆橫行漸至吞併附近各土司聯爲一氣甚或
侵及內地皆不可知尙復成何事體此在事勢機宜實有難於中
止之局朕於邊務番情惟欲計及久遠萬全之策並非好爲窮兵
黷武也且自辦軍務以來朕宵旰運籌不能稍暇甚至盼望軍書
竟夜廢寢朕亦何所利而好爲煩勞若此乎況兩金川久隸版籍
更非若準部回部可比因其叛而申討理所當然卽速爲勦定於
中國境壤初無所增實與唐時之平淮蔡無異雖其地較淮蔡稍
遠亦不足言勦績又豈得疑朕爲好大喜功乎朕用兵不得已之
苦衷屢降諭旨甚明茲復將此詳晰宣布俾中外咸喻朕意至阿
泰爾自上年冬加恩賞給散秩大臣銜令其專辦糧務伊久任總
督運糧員弁皆其舊屬何至呼應不靈近復令其署理督篆尤當
上緊籌辦乃於南路軍糧節次遲誤見在籌及綽勒甲市一路分

兵攻勦專待糧集進發昨據阿桂奏阿爾泰辦理此路兵糧催趲
幾及一月尙無運到者則是伊有心貽誤軍務實在於此乃伊母
向人言金川一事將來必致貽累頃竟奏稱年衰昏聩連糧事務
亦不能勝任請革職留於軍營效力俟軍務告竣另請當差等語
是始終不肯以國事爲念惟圖置身事外倚勢負恩大良何在阿
爾泰著革職鞫交與文綬派員看守候訊將此通諭知之○戊
午軍機大臣刑部等奏審訊原任雲南布政使錢度侵欺勒索贓
私屬實應請旨卽行正法從之○以錢鑒爲陝西按察使

由甘肅
安西道

○己未諭據弘晌奏閩海關各口岸委員徵收稅課請各部分

記功過一摺所辦非是各關口分派委員稽察就其勤惰分記功
過以示勸懲乃該管關衙門自應酌辦之事本非可由部議敘議
處是以前歲弘晌條奏時卽批不必交部令與鍾音詳酌辦理嗣

據鍾音謬覆此款應聽該衙門自行辦理而文員考覆功過毋庸另辦因爲允行今弘昉奏到竟按分數盈絀開列清單請咨部稽覈殊屬瑣屑不成事體國家設立權關原以稽查姦宄巡緝地方卽定額抽徵亦恐遂末過多藉以遏禁限制至各口岸商船出入每月多寡不同稅額卽因之盈縮豈能豫爲定數且委員等如果有多徵少報及勒索賄放等情弊查出卽應治罪若因此緊設科條按月額爲殿最非惟事涉紛繁不成政體並恐委員等畏過貪功違例浮徵苛刻商賈其流弊將無底止卽如昨歲准關監督方體浴因上年過關船少額數不足遂爾多方煩擾轉致商販裹足不前經朕察其辦理不善將伊交部嚴加議處卽寓防微杜漸之意朕辦理庶政務崇大體從不肯爲繁碎難行之事至徵權一事惟嚴稽官吏之侵剝不使絲毫累及商民弘昉所奏不可行並著

傳旨申飭仍通諭中外知之○庚申阿桂奏西路軍營以沃克什爲正路而曾頭溝爲協勦之師南路以卡了爲正路而綽斯甲布革布什咱爲協勦之師必卡了一路軍威強盛則南路各土司方可藉以無恐且見在溫福一路擣小金川之東又有曾頭溝一路以據其北若卡了再得多兵搗其西南賊番腹背受敵必難支禦若將南路調撥所餘及續調未到官兵歸併西路約哨一帶止爲駐守之計則是名爲三路實僅有兩路賊番窺南路力單必撤其精銳潛赴曾頭溝沃克什等處固守恐西路亦未必能卽速奏功諡軍機大臣等阿桂覆奏南路之兵不宜分往西路所奏甚是有南路節次調派之兵應仍歸阿桂統領妥辦昨據溫福議將第五次調赴南路之陝兵二千改赴西路如見在未赴西路卽令其仍歸南路備用而以續調之湖廣兵二千調往西路若前項陝兵

已赴西路軍營即將湖廣之二千兵調赴南路著傳諭溫福阿桂酌量檄調並諭令陳輝祖知之

八月丙寅溫福等奏木坪土司甲爾參納木卡瓦寺土舍索諾木雍中並續派土兵協勦懇請酌量獎勵諭軍機大臣等甲爾參納木卡索諾木雍中俱著加恩賞戴花翎並賞甲爾參納木卡誠勤名號索諾木雍中謹慎名號以示鼓勵○己巳據四川桂奏報七月二十一日由墨壩溝一路晝夜進兵於二十二日五更至甲爾木乘大霧瀰漫之中攻據山梁連得石卡二十餘座石喇四座木棚一座賊人披靡奔逸經官兵追擊殲戮甚多並殺死頭目一名又將路通金川之格魯克古地方派兵占住等語阿桂自到南路軍營以來督勵將士調度得宜今復乘間襲據山梁殲賊甚眾直壓僧格宗賊巢又分兵控扼金川要險軍威大振殊屬實心任事

阿桂著加恩授爲內大臣其在事之將領弁兵等實力奮勉均屬可嘉著交部查明一併議敘○諭軍機大臣等布拉克底土司安多爾巴旺土婦伽讓俱各督派所屬土兵隨同大兵進剿誠悃可嘉安多爾著賞戴花翎並賞恭順名號伽讓著賞恭懿名號並賞段四匹以示鼓勵○壬申諭昨兵部將揀發雲南武職人員帶領引見內由綠營漢官揀用者止有一員詢之該部因向來遇有揀選漢員內合例者甚少未經保送到部是以多將各處保送之滿洲人員揀補但思綠營將領雖屬滿漢參用亦必須所占員缺多寡適均方合體制若似此槩將滿漢揀發行之日久勢必綠營盡成滿缺非所以廣掄選而勵人材卽或成例稍有窒礙難行亦何妨斟酌變通俾武臣登進之途益昭公允著卽交與兵部將揀選武職人員如何立法令滿漢開用之處另行詳悉妥議具奏至巡

捕營各員本在應行領選之列因該員等俱有降級留任及停升處分爲例所格不能與選第京城人衆事繁巡捕營有巡緝專司該員等易于吏議覈其情節多屬因公不至遽阻其上進之路嗣後巡捕三營官員見有降級停升處分者遇應行揀選時仍准其一體揀選其處分之案卽令其帶於新任尋奏巡捕營員業蒙恩旨凡有降級停升處分俱准與選嗣後請將行走已滿二年之漢侍衛與巡捕營八旗滿洲蒙古人員令各該管大臣保送前派大臣會同揀選引見記名後遇各省奏請揀發卽與在部候補候選者按滿漢分派引見將次用完再照此辦理如請發多人而在京漢員不敷揀選請於需人之鄰省將卓異及軍功邊俸應升綠旗人員內論俸擬用仍夾單請旨再查揀發人員例補題缺而武職題缺多沿邊沿海苗疆要缺必先儘本省豫保之員伊等未免守

候嗣後請將揀發豫保人員相開題用如應用揀發而人地不宜
計該督等於本省簡缺內對調從之○乙亥四川總督文綬奏鄂
寶改赴西路劉秉恬尙在西路未回見阿桂乘勝進功糧務緊急
調夫應用經糧員飛稟阿爾泰乃並不拆視直送省城臣見卽馳
赴南路督率催辦諭軍機大臣等阿桂攻克甲爾木山梁調夫一
千名應用阿爾泰接到糧員飛稟檄不開視轉迂道郵送成都於
軍糧重務視同膜外實屬有心貽誤前將阿爾泰革職等聞著文
綬將此情節併案嚴訊定擬具奏○戊寅 上自避暑山莊巡幸
木蘭行圍○諭軍機大臣等阿桂奏官兵因風雪雨雹氣候寒冷
將已得之甲爾木山梁退回不守見今七月下旬卽使雨雹交作
何至頓改寒暄此必係綠營恇怯架詞徹退明亮等若於其時詢
明倡議之二三人駢誅示衆軍心自定乃見不及此隨同徹回實

有應得之咎。領隊大臣隨將軍參贊固不可任意守疆。若獨當一面遇有怯懦。兵難於約束。無從陣前斬徇。以肅軍紀。此又與專擅者不同。知見在甲寅。木官兵竟將已得之地棄而弗守。似此軍令廢弛。何以鼓勵戎行。阿桂曰。弗憬然動念乎。此次著照阿桂所請。明亮降營。二等侍衛烏爾圖納蘇圖等侍衛。念係初犯。僅予譴懲。若不知儆。陽復蹈前車。其律具在。不能復寬宥也。至退兵一節。或彼時實係雪後風寒。我兵衣單。雖禁即勉強駐守。山梁究竟不能施展。萬一賊首乘機掩襲。更不成事。體則全退軍。回未可盡謂之失計。但在阿桂權宜酌辦。則可將領以下不得援此藉口。再官兵退回正恩。繼進不易。如其地難以急圖。衆人又當於綽斯甲布一帶分途前進。以爲牽制。金川之計。總之軍行機要。務在隨時斟酌。合宜。若專諭阿桂。就見在情形。悉心籌畫。具奏。